

八瓊室金石補正

第四六冊

附記

八瓊室金石補正卷九十八

太倉陸增祥撰

男 繼輝校錄

吳興劉承幹覆校

宋十七

嵩陽宮石柱題刻廿二段

拓本二紙一高七尺九寸上寬二尺八寸五分下寬三尺二寸一高七尺三寸上寬一尺六寸六分下寬一尺八寸俱正書在登封

侍禁上官士衡等題名

三行行字不一  
字徑一寸左行

侍禁

上官士衡

□□郎張甫進士

□□皇祐二年

三

月廿六日遊此

陳知損題名

三行行字未詳  
字徑一寸左行

皇祐辛卯七月十

八日潁川陳知損陪

缺

侍禁上官士

衡縣

缺

遊天封觀

蘇舜元題名

一行六字字徑三寸許左右  
題款二行行六字字徑寸許

蘇舜元才翁題

皇祐癸巳孟春回之河南府也

趙士宏等題名

三行行九字字  
徑寸許左行

趙士宏朱壽臣舒昭

王慎微同遊皇祐六年仲春晦

日公嗣題

錢袞等題名

二行行十二字字  
徑三寸餘左行

錢堯去私張淮次公同遊嘉祐己亥七月十九日黃通

冬夫書

陳知雄等題名

二行行十一字  
字徑寸許左行

陳知雄宋□之抗正辭同遊嘉祐壬寅□仲冬初六日

也

陳守柔再題名

二行行七八字字徑寸許另一行字較小

潁川陳守柔再遊

嘉祐癸卯六月二日

成之失約

邢恕題名

三行行五六字字徑二寸餘左行

熙甯己酉歲春

二月六日來觀邢恕和升題

子由等題名

四行行字不一  
字徑寸許左行

余與子由攷試西洛進士畢同遊二室諸寺最後過天

封精思觀道子畫遂行熙甯五年九月十日也

嵩陽石刻集記謂非子瞻當是王平甫輩所題

鈞清館金

石記

祖無擇等題名

二行行字不  
一字徑一寸

□陽祖無擇上谷寇仲或遊

熙甯癸丑孟春二日

焦通寇題名

二行行七八字  
字徑七分左行

焦通

寇

博雅熙甯癸丑二月廿六日題

陳知儉等題名

三行行八字字  
徑二寸左行

癸丑歲清明後一日陳知儉率馬申王壽同遊天封觀

蘇注題

束端卿等題名

二行行五字字徑一寸又紀年  
二行行六字字徑五分左行

汶上束端卿淮西郝闢之

元豐戊午五月廿六日同遊

李孝稱題名

二行行七字字  
徑一寸左行

濮陽李孝稱來游崇甯癸未五月記

監臨安茶稅張克蒙等題名

二行行字不一  
字徑七分左行

新監臨安

茶稅

張克蒙妻父樊少偓游崇甯

三年

季春十有一日

文及甫題名

三行行六七字字  
徑二寸許左行

文及甫挈家游崇甯三年三月十日觀退之題吳畫

此刻下方有子美二字附記於此

夏聖求等題名

二行行五字字徑八分又紀年一行字徑四分左行

夏聖求李季明素僊夫遊

大觀丁亥四月六日

唐通叟等題名

三行行十字字徑一寸三分左行

政和改元仲春唐通叟拉李勉之自中頂過精思天封

唐□鎬侍

邢儔題名

五行行八字字徑一寸許左行

原武邢儔朝謁

神霄像罷過天封得先公題字壁間不勝孺慕三川王

堯夫同遊宣和癸卯八月朔

宗傑宗韓題名

二行行存六字字徑二寸餘左行

缺

宗傑宗韓甲辰

缺初四日過此

何卓題名

三行行字不齊字徑寸餘左行

蜀郡何卓宣和七年三月二十三日

項城丞馬雲夫題名

三行行七八字字徑寸許

後五十三年獲觀先人朝奉題柱項城縣丞馬雲夫謹

書

首題云後五十三年疑是熙甯癸丑陳知儉題名內

馬申之子是年爲靖康元年

筠清館金石記

考邑志金石錄載宋人題名二十條刻石柱於嵩陽

書院去漢柏數武道光三十年吳廉訪式芬購搨遍

索不得時璵忝主講席中秋夜與諸生遊憩漢柏旁

土中微露石棱因掘得之柱石已斷字亦殘缺咸豐

二年海鹽朱公燮元宰是邑見而珍焉重立於講堂

右特誌其緣起云項城靳栗璵記并書咸豐二年三

月廿九日右刻石尾

筠清館所載尙有張起同題名熙甯癸丑仲春廿四日想是

道光初柱未斷折時搨本而宗傑宗韓一條却未

之載何也文及甫題記上方尙有一則存二字惟

段字明顯或卽張起同所刻

南海廟韓碑陰題名四段

祖無擇題名

高二尺三寸廣三尺四寸七行行七字  
三行行五字字徑三寸餘正書在碑上方

方

皇祐二年孟秋庚

寅偕陸仲息子強丁寶臣元玠李徽

之休甫王逢會之

劉竦子上謁

廣利王夕宿廟下

祖無擇擇之記

彈琴道士何可從鐫字僧宗淨同行

宋史祖無擇嘗爲提點廣東刑獄廣東轉運使故嶺

南多擇之題名而此刻尤爲完好丁寶臣晉陵人皇

祐初以太常博士知端州見王介甫所撰墓志王逢  
當塗人嘗爲南雄州軍事判官見宋史文苑傳潛研堂跋  
尾

向宗道題名高一尺八寸廣二尺一寸六行行五字字徑三寸許正書在前刻下

宗道從事於廣并今三拜祠下熙甯壬子三月權發遣  
轉運使公事向宗道題

前後有明人題名各一段

程公禱雨記高一尺二寸四分廣二尺一寸八分十六行行九字字徑一寸餘正書在額陰

熙甯歲次癸丑十二月丙申距甲寅六月辛未府帥諫  
議程公凡四謁南海廣利昭順王蓋將天子之命求雨

於神而兩禱兩謝之獲應頗異前太守有一至廟下已

二十餘年而後寂寥無傳今

公戾止何其偉歟亦足爲靈宮一時之盛事資邦人百

年之美談也時獻官黃稹趙光弼攝奉禮黎獻臣攝太

祝富臨輒記於退之之碑陰云公之子德叟義叟陪位

彭鉉題名

高二尺廣三尺一寸八分行書在碑下方

端平丙申三月清江彭鉉詣

祠歲祀事登浴日亭訪韓碑誦坡句摹本而歸刻

名碑陰時廬山胡泳與其季泓偕行曲江王叔仁

刊

祖無擇皇祐二年閏十一月惠州羅浮山長壽澗題  
名稱提點諸州刑獄太常博士四年九月連州大雲  
洞題名稱廣南東路轉運使則此題方任提點刑獄  
時也丁寶臣常州晉陵人景祐元年進士見歐陽修  
所撰墓志銘徽之見青箱雜記云李給事徽之丁未  
九月生蓋終於給事也向宗道字元伯由尙書職方  
郎中權發遣廣南東路轉運使見連州燕喜亭題名  
諫議程公者師孟也充廣南東路經略安撫使故稱  
府帥師孟及趙光弼黎獻臣官位並見師孟奉勅祠  
南海廟碑黃稹亦見蘇咸南海廟謝雨記亦爲獻官

而不詳何職也蓋熙甯七年甲寅正月六月十月師

孟三祀

祥案記云距甲寅六月凡四謁是甲寅前已兩祀矣

於南海廟也彭鉉

知廣州軍州事見廣東通志

金石續編

魏夫人祠碑陰題名四段

俱正書在河內

張吉甫題名

一行字徑一寸餘

皇祐庚寅九月朔張吉甫來 鐫字

張子諒等題名

一行字徑三寸許又年月一行字徑二寸許左行

張子諒何嶠姚師魯

至味元季五月廿四日題

潘旦等題名

二行字徑三寸年月字徑一寸五分

潘旦南卿杜璞元眞同遊 嘉祐丁酉八月廿三日題

修武令張塋等題名

三行行九字字  
徑寸許左行

修武令張塋同王者老張厘元祐辛未元日謁祠下沐

澗山僧普□亦至

陽春巖題刻四段

在高要城北八十  
里銅石巖石室前

祖無擇題名

高一尺四寸廣一尺三寸四行行六字  
字徑二寸刻石人名一行字徑寸餘均

正書

予因按部稅駕此山皇祐二年仲冬月十九日范陽祖

無擇記

守郡薛利和命工刊

周子題名

高一尺餘廣一尺四寸四行行五字字徑  
一寸五分刻石人名二行字徑七分均正

書

轉運判官周惇頤茂叔熙甯二年正月一日遊

登仕郎行縣事梁鄰命工刊

住持監院僧瑞曇監

萃編載周子題記在七星巖後此六日

許彥先再遊題詩

高七寸二分廣一尺一寸七分八行行五字字徑一寸五分後四行

低一格字較小正書左行

壁倚乾甯碣龕龕大業僧七年馳使路兩躡石梯層

轉運副使許彥先熙甯丁巳孟夏再遊陽春通眞巖

訪碑錄載許彥先碧落洞詩後此四月許彥先始

興人天聖三年進士

元芳題字

高一尺三寸廣九寸一行三字字徑五寸許旁款三字字徑二寸均行書

瀑布泉

元芳書

右刻無年月元芳亦不知何人書法酷似海嶽當是南宋人手筆附錄以俟再攷

皇祐殘刻

皇祐三年四月八日

三李

同會

存十二字餘俱曼患此與駝山造象同得疑亦在駝山者其為造象與否不可知也別列之

奉天令文彥若墓誌

方一尺七寸八分十八行行十八字字徑八分許撰文人銜各一行轍小正書在洛陽

宋故奉甯軍節度推官承奉郎試大理評事□乾州奉天縣事文府君墓誌銘

承奉郎守太常博士充史館檢討張芻謨

府君諱彥若字公頌汾州介休人幼聰警博學有詞章  
年二十策進士丙科除平定軍判官以父主客廉察河  
東避親去職景祐四年九月丁主客憂祥除補奉甯軍  
節度推官次知隴州吳山縣歲餘以兄爲秦

鳳路經略使改知乾州奉天縣未之官以疾終云秦之

府署曹秋三十一皇祐二年

兄司冢宰率百

官從

天子祀合宮發大號

曾王父

贈太傅

王父贈太師

顯考贈太師中

書令三年十月七日乙酉奉

君之柩窆于

令公之地中其地實河南府伊闕縣教忠鄉積慶里祀也先配成氏燕子銘曰

有奕崇山

下兌其室

是維億萬年

燕震厥

甯

右文彥若墓誌在洛陽存古閣彥若潞國公之弟也宋史彥博傳載其爲河北宣撫使誌云秦鳳路

經略使疑卽是也傳述父洎常爲河東轉運使此誌云廉察河東則是觀察也又攷仁宗本紀皇祐二年九月大饗天地於明堂以太祖太宗眞宗配如園丘大赦百官進秩一等卽誌所稱祀合宮發大號也彥若卒年誌未詳述潞國公宣撫河北事在慶厯八年則彥若之卒當在皇祐元年矣誌書警字缺一筆避諱故也

岱岳觀李陟題名

皇祐四年五月十一日  
萃編載卷百卅四

張琬屢遊

缺屢遊  
二字

平蠻碑

拓本連額高一丈一尺二寸廣九尺四寸三十六行  
行四十字銜名三行行字不一字徑二寸正書篆額  
橫列題大宋平蠻碑  
五字在臨桂鎮南峰

大宋平蠻碑并序

朝散大夫給事中知桂州軍州事兼管內勸農使充

廣南西路都鈐轄兼經略□撫□□制

下缺

廣南西路水陸諸州計度轉運使兼本路勸農使朝

奉郎尚書司封員外郎

下缺

給事郎守太常

博

□□□□州軍州

兼管勾斬撫事

□

下缺

聖宋體天

法

之金文聰武聖神孝德皇帝在宥之三十

一年天宇之內海渚之外瓊裘卉服閭□□□□五月

蠻賊儂智高寇邕州陷其郛賊虐衣冠驅虜稚艾遂浚

□江東下所過郡縣素無壁壘□□□□民奔走因

得焚蕩剽鈔無所畏憚乃攻圍廣州五十餘日不克大

掠其民而去然所存者官□□□□百年生聚異地

珍玩掃地無遺矣

國家於嶺南不宿重兵故賊起三月□後師集□偕張

忠素號驍將相繼覆沒由是畏懦者望風潰□賊鋒益

熾逼連賀毀昭賔再宄于邕矣驛音繼聞

上甚憂之 樞密副使狄公青以爲將帥之任古難

其才若再命偏裨事一不集則二廣之地禍□□不解  
矣亟自請行

天子遽之遂改宣徽南院使荆湖南北路□撫使都大

提舉廣南東西□□□□□□□□□□

命既授禁旅仍啓以舊鎮騎兵荆湖□□從行十二月

至桂林督部伍□□□□□□□□□□矣明年正月甲

辰至賓州先是鈐轄陳曙領□人八千潰于崑崙之關

公推□□□□□□□□□□三十一人然後人

知賞罰矣兵將股慄咸思用命是月己未引師□□□

□□□□□□□□□□之行師雖倉卒道途皆

有行列賊至駐先鋒以接之 公憑高□□□□□

□□焉賊徒大敗追奔十五里斬首二千二百餘級生

擒五百人尸甲如山積于道路偽署□□□□□□□

人是夕智高焚營自遁復入于蠻中先是 命湖南江

西路安撫使樞密直學士孫沔入內押班石全彬過嶺

與廣西經略使余靖同共經制東西路賊盜故 命

公都大提舉然孫石□謀而軍中悉□ 公之節制

賊之再據邕也農者輟耕賈者輟行遠邇惶惶不聊其

生及 公之拜 命也朝野之 論中外驩然以方

邵之才兼機軸之重出翦狂蠻無噍類矣賊之巢穴曰

廣源州交趾之附庸也父爲交趾所戮遂奔其州奔南蠻界中淵藪悖傲以僭稱號自名其居曰雲南道又曰南天國再名其年曰景瑞曰沓麻雜名其左右之人自侍中開府已下署之其主謀者黃師宓儂建侯儂志忠等戰沒□陣未有翦其羽翼而能飛剗其腹心而能全者也故宵遁矣嗚呼智高之謀□餘年間招納亡叛共圖舉事十餘月間連破十二郡所向無前□□自知破碎奔走在於頃刻之間乃知名將攻取真自有體哉二月甲戌改乘轅其月丁亥至桂州

詔徙護國軍節度

復以樞

密副使

名仍

曲赦嶺南民得休息矣遂磨桂林之崖石以書其勲其

詞曰

有宋之大天覆地載四海正朔百蠻冠帶

□茲狂寇起平徼外父戮于交逃死獠界

招納亡命浸淫邊害邊臣罔上習尚以懈

卒陷邕郛乘流東邁志圖全越肆其蜂蠆

廣城言言梯衝附焉攻之五旬掠民而□

賊鋒一至千里無烟還據于邕五嶺騷□

天生狄公輔聖推忠情存義烈志疾頑兇

請纓即路仗節臨戎英材遴集□□□□

賊之敢鬪 實惟天誘 來迂于郊 奄喪羣

當我摧鋒 易如拉朽 補偽署 輶然授

羽翼既翦 心腹既剗 雖欲自舉 人誰與圖

焚廬而去 回巢以 六親不保 曰獻

厥惟邕邊 南國之紀 九峒襟帶 列城脣齒

險固一失 無 庶民 鳥獸

我公之來 電掃雲開 叛 綱領重恢

師 天聲遠振 公之

撰書人名氏皆剝缺不可辨考首行結銜則余靖也

第三將題名內靖以秘書監知桂州此云給事中者

案宋史余靖傳智高反起靖秘書監知潭州改桂州賊平就遷給事中御史梁蒨言賞薄又遷尙書工部侍郎是靖作此時已拜給事中尙未聞侍郎之擢也

廣西通志金石略

碑無上石年月三將題名云二月丁亥班師至桂林詔換河中旌節召還樞密又云其年二月曲赦廣南東西路碑云二月甲戌改乘轅其月丁亥至桂州詔徙護國軍節度復以樞密副使召仍曲赦嶺南是刻石在皇祐五年二月也三將題名又云四月又詔以青爲樞密使東都事略云青還朝復

爲樞密副使遂拜樞密使刻此碑時青已復爲樞密副使尙未拜樞密使青以樞密副使召還非還朝之後始爲副使也刻石在四月以前亦是確證首列仁宗尊號以史證之所缺者爲道欽二字

龍隱巖石刻十六段

在臨桂

平蠻三將題名

高一丈一尺廣七尺四寸廿六行行廿六字字徑二寸許另一行小字字

徑一寸二分正書篆額橫列題平蠻三將題名六字字徑四寸五分長八寸二分

大宋皇祐四年夏蠻賊儂智高寇廣南陷十二郡據邕

州其年九月

詔以樞密副使狄公統兵南征號二十萬明年正月已

未與賊戰于邕之歸仁大破之翼日復邕州賊之餘黨遁于銅柱之外二月丁亥班師至桂林

詔換河中旌節召還機密凡從行將佐文武官二百三十一員今記將官已下姓名于左

宣徽南院使彰化軍節度使荆湖南北路宣撫使都大撰舉廣南經制賊盜事狄青第一將下

左衛將軍荆湖北路兵馬鈐轄王遂 西京左藏

庫副使孫節

戰没于陣贈忠武軍節度觀察留後

如京副使賈逵

西京左藏庫副使竹曷 文思副使時明 管

勾機宜太子贊善大夫馮炳 權石州軍事推官

武緯 管勾糧草殿中丞霍建中 走馬承受公

事入內侍省內西頭供奉官張若水李若訥

樞密直學士右諫議大夫充荆湖南路江南西路安撫  
使廣南經制賊盜孫沔

內園使陵州團練使入內侍省押班充荆湖南路江  
南西路安撫副使廣南經制賊盜石全彬

第二將下 莊宅使荆湖南路兵馬鈐轄劉几

文思副使張憲 六宅副使孫昂 供備庫副使

鄧守恭夏元崇 內殿承制閤門祇候孫宗旦

管勾機宜都官貲外郎鄭紓 勾當公事殿中丞

王綱 管勾糧草効用侍其澹

秘書監知桂州充廣南西路都鈐轄兼經略安撫使廣  
南東西路經制賊盜余靖第三將下

皇城使廣南西路兵馬鈐轄李定 供備庫副使

史青 內殿崇班武防 虎翼都虞候呂斌張遠

管勾糧草大理寺丞章詢 經制賊盜司走馬

承受公事入內內侍省內西頭供奉官李宗道

西頭供奉官李達 管勾機宜守將作監主簿余

仲荀 勾當公事權邕州節度推官黃汾

轉運使管勾隨軍糧草都官貲外郎孫抗 轉運判官

都官員外郎宋咸

提點刑獄同計置糧草司門員外郎朱壽隆 文思副

使高惟和

其年二月曲赦廣南東西路甄勞能減租賦其死  
事者給棺斂錄子孫溪峒首領不從賊者悉加恩  
賞又宣 德音荊湖江南詢疾苦蠲賦役雜犯死  
罪已下並從慮減四月又

詔以青爲樞密使孫沔授給事中樞密副使余靖  
遷工部侍郎石全彬授宮苑使利州觀察使孫抗  
授司封員外郎宋咸職方員外郎朱壽隆考功員

外郎高惟和左藏庫副使王遂而下定功爲五等  
第一等轉官五資餘增秩有差

僧寶珍篆額 區華區誠鐫

平蠻三將題名正書皇祐五年二月三將者狄青孫

沔余靖也在廣西

潛研堂金石目錄

右平蠻三將題名石刻云皇祐四年儂智高寇廣南  
陷十二郡據邕州卽東都事略余靖傳稱智高陷邕  
州乘勝連破嶺南州縣圍廣州還據邕是也云詔以  
樞密副使狄公統兵南征又書銜云宣徽南院使彰  
化軍節度使荆湖南北路宣撫使都大提舉廣南經

制盜賊事卽宋史狄青傳稱青領彰化軍節度使擢副樞密事儂智高反除宣徽南院使宣撫荆湖南北路提舉廣南經制盜賊事是也云明年正月與賊戰於邕之歸仁大破之復邕州賊遁於銅柱之外卽宋史紀事本末稱五年正月狄青夜度崑崙關大敗儂智高於邕州智高走大理及東都事略稱狄青敗賊於歸仁邕州平是也云班師至桂林詔換河中旌節召還樞密末云詔青爲樞密使卽宋史本傳稱捷聞遷護國節度使河中尹及東都事略云青還朝復爲樞密副使遂拜樞密使是也石刻所載與史傳並合

又余靖平蠻京觀志云先是命樞密直學士孫沔入內押班石全彬同本路經略使余靖經制盜賊命青以宣徽使大提舉總其節制明年正月己未青帥三將兵至邕州其詞似以沔全彬靖爲三將青爲總帥者此碑青爲第一將以全彬爲第二將靖爲第三將蓋朝命以全彬副沔故共爲一將也

廣西通志金石略

右平蠻三將題名在龍隱潛真洞篆額者爲僧寶珍而無書人姓名狄青孫沔石全彬余靖史皆有傳狄青字漢臣汾州西河人傳敘其破儂寇事頗詳孫沔字元規會稽人知秦州值儂寇反沔入見

言西事不煩聖慮當以嶺南爲憂臣覩賊勢方張  
官軍朝夕當有敗明日果聞蔣偕死龐籍奏爲湖  
南江西安撫使兼廣南東西路以便宜行事會遣  
狄青與沔會遂敗智高留沔治後事遷給事中石  
全彬史附石知顒傳字長卿任湖南江西安撫副  
使討儂智高出桂林願獨當一隊以自效狄青使  
將左哨力戰於邕州南方平領綿州防禦使提舉  
張貴妃甯華殿閣妃薨傳會治喪過制進宮苑使  
利州觀察使碑以宮苑使利州觀察使爲賞功所  
授與傳言綿州防禦使者不符碑敘銜有云內園

使陵州團練使亦傳所未詳余靖字安道韶州曲江人儂寇反起爲祕書監知桂州委以廣南西路經制值智高西走邕州靖策其必結交阯脅諸峒以自固乃約李德政會兵共擊備萬人糧以待又募儂黃諸姓酋長皆縻以職使不與合謀旣而狄青孫沔被命共討賊平遷給事中御史梁蒨言其賞薄遷工部侍郎及諸將班師獨留靖廣西遣人入特磨道擒智高母子弟三人生致之闕下加集賢院學士碑刻在甫班師之時尙未加集賢學士故不及之也狄青嚴肅軍令得馭將之方沔靖皆

能料敵而有謀略全彬亦自奮勇故能不數月而  
破寇後之久戍無功者讀之當媿死矣其餘三十  
三人惟孫節賈達張若水朱壽隆有傳孫節開封  
人附狄青傳少隸軍籍與青同在延州數攻破敵  
砦有功累遷西京左藏庫副使及青討智高隸麾  
下爲前鋒中創而殲特贈忠武軍節度留後傳不  
言觀察者略也賈達藁城人初隸拱聖軍至殿前  
班換西染院副使從青征智高爲右軍先鋒戰於  
歸仁驛青誓衆不待令而舉者斬達念兵法先據  
高者勝左將已戰死吾兵氣沮易敗苟復待命賊

乘勝先登吾事去矣卽引軍趨山旣定賊至達麾  
衆馳下仗劍大呼斷賊爲二首尾不相救遂潰旣  
戰達詣青請罪青拊其背勞之遷院使領嘉州刺  
史碑稱如京副使與傳言西染院副使者互異張  
若水維吉養子附維吉傳字益之補小黃門給事  
章惠太后殿轉入內高品王師平貝州征儂賊皆  
以幹敏選爲走馬承受賊平以勞進官三遷碑稱  
內西頭供奉官與傳言內高品者亦異朱壽隆字  
仲山諸城人以蔭知九隴縣擢知宿州轉提點廣  
西刑獄狄青欲殺裨將孫沔不能諫漫語曰儂賊

殺人萬計此何足惜壽隆徐曰王師之來以除民  
害顧可效賊爲暴邪青感其言而止傳不言司門  
員外郎者亦略也史亦有王遂傳乃嘉泰間進士  
非卽此題名之王遂馮炳武緯亦見於浯溪狄青  
題名內馮炳署銜多大理寺詳斷官數字贊善上  
亦多一右字則較此爲詳宋咸見李師中傳南蠻  
傳亦見華景洞蕭固等題名內其署銜稱提刑屯  
田員外郎中也史又有張玉傳云以六班散直隸  
青麾下從征儂寇抵歸仁驛賊列三銳陳以逆官  
軍小郤玉率右廂突騎橫貫賊壘遂大潰擢爲廣

西鈴轄是歸仁之戰玉與有功何容掩沒乃類諸  
二百餘員之列絕不一顯其名何邪碑云其死事  
者錄子孫案孫節傳云封妻仁壽郡君官其子二  
人從子三人給諸品副使張忠傳云封其父左監  
門大將軍母河內郡夫人弟愿右班殿直閣門祇  
候官其子永壽永吉承德及壻劉錚凡四人長女  
亦封靖河縣君是不特錄其子孫并封其父母與  
妻而其弟其從子其女其壻亦被榮施矣碑又云  
溪峒首領不從賊者悉加恩賞卽余靖傳所稱脅  
諸峒以自固及儂黃諸姓酋長不與合謀者也金

石續編載此刻李達誤作李達

李師中宋頌

高七尺四寸廣五尺一寸共十七行行十九字字徑三寸許第二行廿三字末

行廿八字字徑二寸五分夾註字寸許橫額宋頌二大字字徑九寸並正書

宋頌

廣南西路轉運使兼勸農使尙書度支員外郎 臣李

師中撰

神武頌

太祖也以天下授

太宗永有休

功其古之聰明睿智神武而不殺者夫

有天下不與子推大公元天命

遂定四方其功冠萬世獨出史臣不究其極未定以昭盛德大業故作頌焉

於赫神武不顯其功

天命在躬圖惟厥終不卜不

謀付命 太宗惟 帝之心天地之功

文明頌

太宗也煥乎其有典常始作樂告其成

功焉

本朝承五代之敝稽古典常之事至是脩焉故頌以美之

於昭文明繼序其皇既有典常底定四方清廟用章

德音不忘

仁功頌

眞宗也能申 上帝之祐以和戎狄以

安萬民

專用德化致百餘年大定自成康已來未有如此者也仁恩厚矣生息極矣繼之以禮樂則萬

物其終乎王道其成乎頌之作也蓋有待焉

於穆仁功已任天覆萬民靡不壽懷爾戎狄以及鳥

獸于嗟仁功草木潰茂如文王之囿

嘉祐七年六月一日勒于桂州之龍隱巖 前

知廉州合浦縣事 臣 陳惇書

按宋史李師中傳師中字誠之楚邱人提點廣西刑  
獄攝帥事邊人化其德多畫像立祠以祀稱桂州李  
大夫不敢名證以留題風洞詩序云師中嘉祐三年  
九月受命來嶺外七年十一月得請知濟州留詩以  
志歲月則知師中在桂五年是刻宋頌卽去桂之年  
所撰道光四年春果亭撫部 成格 自桂林還 朝攜

贈拓本

金石續編

右李師中宋頌在龍隱巖之迴穴既有典常續編

有誤作其

李師中留題詩

高二尺廣一尺九寸十三行前四行十五字後九行行十八字字徑寸

小字半之字數較倍正書

師中嘉祐三年九月受命來嶺外七年十一

月得請知濟州感恩顧已喜不自勝留詩四

章以志歲月

下空

尙書度支貲外郎李師中

鎮撫四夷吾道在可憐壯志日因循四年盡瘁今歸去

不負斯民只負身

薛許昌詩云不負嘉州只負身予冒瘴於此四年無大功略但以安民爲

耳事

侵地還來開境遠貢琛 上去革音初但無俘馘充歸

獻辜負

君恩死有餘

侵地口收復又來入貢但未能  
斬馘以獻豈非留賊遺 君口

乞得衰身出瘴煙一麾仍

許視于藩

蒙恩理家園  
爲轉運使

在望 松楸近自問如何報

上恩

濟去先塋及汝  
陽別墅才百里

出岫白雲猶繚繞離群飛鳥尙鳴悲四年人去甯無恨

况是梅花滿樹時

時嶺梅盛開杜牧詩  
云一年人住豈無情

右李師中詩石刻在粵西龍隱下巖其序云云以史

考之蓋自提點廣西刑獄攝帥事除知濟州時作也

第三章云乞得衰身出瘴煙一麾仍許視于藩注云  
蒙恩理作轉運使考宋制提刑資序在轉運之下知  
州又在提刑之下若大州輔郡則侍從以下亦得差  
遣以爲優賢佚老之地非尋常知州可比濟州地近  
京邑名爲知州恩數實視轉運使故云許視於藩也

潛研堂  
跋尾

劉玉麐曰宋史列傳師中提點廣西刑獄疏劾蕭注  
攝帥事儂智高子宗旦尙保火峒師中移檄喻以禍  
福因率其族帳並地來降此詩註所謂侵地頗收復  
又來入貢也史云還知濟兗二州此詩序所謂得請

知濟州也惟在嶺外年月及爲尙書員外郎爲轉運使皆史所不載得此可以補本傳之闕 師中在桂深惡蕭注等邀功生事故詩云但無俘馘云云意可

見矣

廣西通志金石略

周應期等題名

高一尺三寸五分廣一尺三寸六行行六字字徑二寸許正書

比部周應期著作陳大順判官張□□簿□□進士楊

豐□□辰熙甯七年六月初八日同遊

梅公瘴說

高六尺廣三尺四寸說五行行廿六字跋十二行行廿四字字徑一寸四分分書篆

額三行六字字徑四寸六分

龍圖梅公瘴說

仕有五瘴急征暴斂剥下奉上此租賦之瘴也深文以逞良惡不白此刑獄之瘴也昏晨醉宴施癘王事此飲食之瘴也侵牟民利以實私儲此貨財之瘴也盛揀姬妾以娛聲色此帷簿之瘴也有一於此民怨神怒安者必病病者必殞雖在轂下亦不可免何但遠方而已仕者或不自知乃歸咎於遠方士瘴不亦繆乎

嶺以南繇昔曰瘴土人畏往甚於流放盖嵐煙氛

霧蒸

鬱

爲癘米之者死人之畏往畏其死也夫生

之有死猶晝之有

夜殆

理之必然者惟死於其死

可也夫子曰朝聞道夕死可矣夫子非欲速於死

也謂不聞道而生不若聞道而死然死生□□人  
豈能自爲命哉而忠義所激有視死如歸者斯可  
謂□□若夫情慾之肆殘生傷性而死於非命則  
命不係乎天係乎□也龍圖梅公摯景祐初以殿  
中丞出知昭州嘗著五瘴說既□之矣夫租賦刑  
獄飲食貨財帷簿之瘴有之則雖畿甸之內死而  
不免黨於斯五者咸無焉則瘴土猶中土也予將  
漕來南行矣二年蓋嘗深入瘴鄉矣而自始視事  
粵至於今未嘗一日在告非素於瘴土也亦無是  
五者之瘴耳然則嶺土能瘴人耶亦人自爲瘴耶

紹熙改元弟秋日新安朱晞顏跋布衣石俛書

右龍圖梅公瘴說梅摯於景祐中知昭州作此說紹熙初新安朱晞顏刻於粵西龍隱巖併跋於後晞顏宋史無傳新安志但云休甯人隆興元年進士亦無事迹惟談鑰撰行狀敘其厯官甚詳蓋淳熙中由知吉州轉朝奉大夫除廣西轉運判官改直秘閣京西轉運判官紹熙四年進直煥章閣知靜江府慶元初召赴行在除軍器監尋除太府少卿淮東總領三年升太府卿四年遷權工部侍郎五年兼知臨安府轉大中大夫六年三月辭免四月卒此碑刻於任廣西

轉運時其跋云予將漕來南行矣二年然則以淳熙

十五年被轉運之命也

潛研堂跋尾

劉玉麐曰宋史梅摯字公儀成都新繁人登進士調大理評事知藍田上元徙知昭州通判蘇州慶厯中擢殿中侍御史是刻乃云景祐初以殿中丞出知昭州梅公之知昭州或當在景祐初年而其爲殿中丞史以爲慶厯中良可依據朱晞顏官廣西在紹熙間去景祐已百五十餘年後生述先輩事蹟往往有未能詳核者不得以生同昭代而又勒諸貞珉必無譌誤也宋詩紀事云朱晞顏字子困新安人慶元中廣

西漕使

廣西通志  
金石略

右梅公瘴說在臨桂龍隱巖風洞據粵西金石略  
此有二刻一在平樂梅公亭今佚梅摯宋史有傳  
其平生宦蹟如督償食本則請緩輸期益漕米餉  
則奏減舊數修河伐葦則代以州兵皆惠政之及  
人者史稱其性淳靜不爲矯厲之行政蹟亦如之  
平居未嘗問生業觀此瘴說益可見其廉靜寡欲  
矣流傳至今宜哉

重刻石曼卿書

高三尺三寸廣三尺八寸九行行八  
字字徑四寸款十二字字徑一寸並正

書間雜  
行筆

長城葆光高平希父師古潁川天經太原子融子野陳  
留商叟天水元甫子淵滎陽天休清河子思昌黎稚圭  
廣平子京河東伯垂餞南陽道卿出守嘉興于鉅  
廉介之北軒

明道二年六月十七日曼卿書

上闕摩崖子能□是書託以不朽□□子之惠余□曼

卿□墨妙一世□語□□□人間者率寶藏過珠

璧此題筆法勁古又所列皆名輩尤士大夫所願見  
與世爲公□是余心也因報曰諾遂刻於龍隱之石  
室時慶元改元正月吉日新安朱晞顏書

劉玉麐曰東都事略石延年字曼卿宋城人眞宗朝以三舉進士得奉職歷仕仁宗時遷太子中允卒於京師年四十八宋史以延年爲幽州人稱其書法遒勁體兼顏柳今觀是刻洵然朱晞顏跋語惜前大半無文字然有此數言可爲重刻之證

廣西通志金石略

長城葆光等題名石曼卿書行書明道二年六月慶元元年正月刻有朱晞顏跋正書希文者范文正公也稚圭者韓忠獻公也子京者宋景文祁也天休者鄭文肅馱也子融者王曾之弟晦子思者張知白之嗣子道卿者葉清臣也曼卿者石延年也此刻當在

汴都久已不傳慶元初朱晞顏轉運廣西重刻於龍

隱洞之石

潛研堂金石文跋尾

右重刻石曼卿書續編所載有朱晞顏跋語此本失拓據以錄之行字大小不計也

洪邁高州石屏記

高一尺六寸廣三尺七寸三十二行行廿字字徑七分行書

洪內相高州石屏記

高州茂名縣本唐潘州也縣界有黃尖嶺父老言昔有仙人姓潘居此鍊丹近十數年來工人入山鑿石乃得樹木屏於石中蓋僊所遺丹劑墮地融結者一層復一層殆可揭取但枝葉端正者百無一二民黃氏擅此山

外人欲采伐則先以鹽綵與之然後入山祀土神畢徐  
、施工朱子淵爲桂帥致兩屏遺予老榦扶疎上挾雲  
氣下臨廣漠混然天成略無斧鑿一蹟非若祁陽所產  
藉人力磨治故痕齟高下失其自然也又云海函萬族  
無所不有范石湖虞衡志嘗載石栢今方得一株自海  
底石塊上生根株盤錯枝葉如畫其色紫其根白其質  
皆石也天陰雨時必有水珠在葉上枝間亦有栢子皆  
石脂凝結而成子淵賦詩云海物難窮造化奇後凋惟  
有歲寒知誰將脩月黃金斧斲就凌霜紫玉枝直榦渠  
容塵點澆靈根偏與石相宜天然不假栽培力肯逐春

風盛與裴予和之云海底靈根石効奇山經地志不曾  
知凝酥幻出珠千顆染紫裝成玉一枝鶴骨龍姿隨質  
見鸞棲鳳宿與香宜元戎高唱眞難和媿我年來筆力  
衰又有石梅石松則未之見也

右已載於夷堅支景中慶元元年九月十五日野  
處老人洪邁景廬書

內相洪公於書無不讀而猶恥一物不知希顏分閭  
嶠外偶得高涼樹石屏遺公公遠以其書來詢其所  
產之地而爲之記且云祁陽石藉人力磨治此卽混  
然天成無斧鑿一跡公酖於泉石所閱多矣於此獨

有取焉者以其得於天真之自然也然則公平日能以筆端膚寸之潤爲天下無窮瓌偉之觀者其亦得於自然之天耳此所以能遺外勢利勇退於急流中而翛然野處以與造物者遊盖又將求所以全其□□慶元改元十月旣望新安朱希顏跋郡文學建安劉褒刻于龍隱石室

右洪邁石屏記朱希顏跋而刻之痕齟之痕讀若垠集韻痕有五斤切一音案史洪景廬於淳熙二年再上章告老進龍圖閣學士尋以端明殿學士致仕又案錢先生編洪文敏年譜於紹熙二年云

歸鄱陽於慶元元年引三筆十二云年過七十三  
法當致仕以新天子臨御未敢遽有請故玉隆滿  
秩只以本官職居里鄉袞趙子直汝愚不忍使絕  
祿粟俾之因任年譜於慶元四年云再上章告老  
進龍圖閣學士自註云本傳繫於淳熙改元之明  
年差繆之甚今亦未審的於何年但以去年署銜  
尙稱煥章則除龍圖必在四年以後三年四月序  
朱翌猗覺雜  
記題銜仍稱  
煥章閣學士於嘉泰二年云以端明殿學士致仕  
據此則文敏撰此記時年七十有三尙提舉隆興  
府玉隆萬壽宮未致仕也稱野處老人者壽皇嘗

書野處二字賜之

見玉海

因以自號也江西通志云

容齋所著尙有野處集孝宗爲書序又攷夷堅志支乙序云紹熙庚戌臘從會稽西歸至甲寅之夏季夷堅之書緒成辛壬癸三志合六十卷及支甲十卷才八改月又成支乙一編此碑云夷堅支景者是支乙後續成者景用爲丙也

朱希顏再題詩

高一尺二寸五分廣三尺六寸十五行行六字前五行字徑一寸三分詩

十行字徑二寸許

慶元之元至後二日遊壺天觀泛舟過龍隱洞小酌

月上而歸新安朱希顏

浪道湘南是瘴鄉玉壺銀闕四時涼卧龍不逐葭灰動  
愛日空驚繡縷長浮蟻且同佳節醉探梅不作少年狂  
暮歸慚愧山頭月照我駸々兩鬢霜

朱希顏泛舟過龍隱洞詩正書慶元元年至後二日

在龍隱巖

潛研堂金石目錄

紹熙改元朱希顏有題詩未見拓本續編所載脫

洞字

張釜七詠

高一尺一寸五分廣三尺三寸共三十二行行字不一字徑七分正書

隨齋先生七詠

曾公洞

欲訪眞仙小有天路窮崖絕俯靈泉相君聊試濟川手  
翳鳳驂鸞盡有緣

棲霞洞

雲封霧鎖半天寒短杖攀緣扣玉關見說碧虛風景別  
黨容投老寄塵顏

龍隱洞

何年此地蟄飛龍石壁蜿蜒尙有蹤爲報龍公莫貪睡  
郡人於尔卜豐凶

訾家洲

訾洲風雨柳州文開□□□□夢魂老去一尊酬望眼

淡烟衰草莽連村

水月洞

水際空明月正圓  
人行月裏水如天  
道旁聽得人爭指  
半是當年折桂仙

賓僚同遊登科者數人

慈氏閣

千年佛閣與雲齊  
足力窮時目力移  
堪笑癡兒誇壯麗  
那知芥子納須彌

千山觀

小立東風紫翠巔  
畫屏展盡一山川  
非關眼界因高別  
自是人心逐物遷

右遊山七絕錄呈

和仲學賓賢友

丹陽張 釜

右張釜遊山七詠七詠者曾公洞棲霞洞龍隱洞訾  
家洲水月洞慈氏閣千山觀每題各一絕句丹陽張  
釜君量任廣西轉運日所作慶元初張改帥廣州其  
門下士雒陽滑懋和仲以其手書鑱諸龍隱巖石隨  
齋者釜自號也攷宋史宰輔表嘉泰元年七月甲子  
張釜自禮部尙書除端明殿學士簽書樞密院事八  
月甲申罷自政府僅兩旬無事蹟可見史但附其名

於大父綱傳而歷官本末未之詳焉甯宗紀載慶元四年右諫議大夫張釜請下詔禁僞學五年劾劉光祖附和僞學及請窮治趙汝愚事今證以石刻乃知釜以紹熙四年任廣西漕司慶元元年知廣州未幾召入爲諫議也予視學嶺南見九曜石上亦有釜題名字蹟殊不惡然在諫垣興僞學之禁專與正人爲仇雖風流好事奚足取乎釜爲量名故以君量表字宰輔編年錄作君亮誤

潛研堂跋尾

案文載小傳滑懋字和仲臨桂人以文學爲轉運使丹陽張金所器接以上賓金嘗偕懋及諸僚幕泛舟

灘江徧眺諸勝明日獨以所賦詩視懋懋感其意刻之龍隱復爲之記卽此是也跋稱雒陽滑懋蓋寓居於桂者劉玉麐曰傳卽據詩刻跋語而誤以張釜爲

張金

廣西通志金石略

湖南澹昂亦有張釜題詩係紹熙三年八月所作金石審謂由湖南提舉常平調往廣西此刻在四年至慶元二年正月去桂已踰年是張釜在桂不及三年也後跋失拓僅見紹熙四年秋五字據廣西通志附錄於後

紹熙四年秋丹陽張公來主餉事公家世人物文

學議論推重一世而尤精於吏道始至思有以廣  
上恩蘇民瘼首議脩鹽額於支郡以杜科擾減送  
使於總司以寬漕計次則閣版籍之負教編戶之  
稚津送落南之孤以出領置腰鋪增驛卒鑿井植  
木以便道塗之往來凡剔蠹櫛弊勸姦挾伏無不  
順民所願欲其廛懇備至疑若日不暇給而公迺  
從容如平常閒則與客登高訪古賦詩飲酒以極  
其歡懋間亦綴在席末公嘗手書是詩以見遺翰  
墨芒寒照映圭筆求觀者迄今其未已蓋公之詩  
精深婉約能寫難狀之景如在目前含不盡之意

見於言外如前修所云者故一言一句人以爭先  
睹之爲快是用鑱諸巖石以傳示方來時公以中  
祕帥東廣去桂蓋踰年云慶元丙辰正月旣望門  
下士雒陽滑懋謹跋

董世儀等題名

高五尺七寸廣四尺一寸十行  
行十五字字徑四寸許行書

江西諸公仕于廣會桂林者十有八人慶元戊午正月  
八日集松關之脩然亭旣而拏扁舟延緣過龍隱爲水  
石更酌及暮登新橋以歸董世儀子羽王琨德貢熊思  
遜謙甫呂大信不約曾三畏無過武居仁榮叔王琳子  
林饒祖堯述古楊相魏翁劉龜習季占楊汝明仲藻魏

璋廷圭劉正之子正余棣升華高正臣治表趙善欽、  
之趙師樞聖從范行閱景騫喜而來與者趙彥紳仲止

右江西諸公題名十行行十五字其文云云字畫縱

逸似黃山谷未識何人筆也諸人姓名多不甚著祖

堯卽重刊元祐黨籍者三趙皆宋宗室也

潛研堂跋尾

右董世儀等題名錢先生跋尾載此文世誤作山

江西通志饒祖堯字述古臨川人博學有氣節以

恩授靜江司理嘗曰仕宦未顯惟獄訟可以盡心

漕司有廐卒刃其徒於野連逮甚眾祖堯廉得之

遂伏辜盜起龍泉土豪多執平民爲盜祖堯悉釋之有嶠南螺川泉江橘溪等集其餘諸人俟放

方信孺三刻詩境題字

高一尺廣二尺六寸五分二字字徑八寸許正書中三字

字徑六分前後四行行九字字徑一寸二分俱行書

詩境

二字橫列

陸游書

在二字之間

此字始刻于韶之武溪載刻于道之衆尊三刻

此二行在前

于桂之龍隱巖嘉定七年正月望方信孺孚若

此二行在後

按詩境二字開禧丁卯

三年三月放翁年八十三退居

鏡湖時所書信孺方丞蕭山得而寶之後五年嘉定

辛未

四年

九月權發遣韶州軍州事撫刻於九成臺武

溪深碑陰而識之其道州太史樓記云予以嘉定壬申<sup>五</sup>年春曲江拜命來守茲土冬十月經連山問津而西是信孺抵道州任爲壬申之冬次年癸酉春卽已至桂七年甲戌正月刻詩境於桂之龍隱巖惟宏尊石刻拓本未備計其歲月在壬癸冬春之間而韶而道而桂無不大書深刻矣信孺固自號詩境甫其題臨桂之西山中隱山北牖洞皆但書詩境以代姓名又嘗名其集曰好菴遊戲詩境集劉克莊序之信孺殆有詩境之癖何其樸勒不厭邪嘉定六年春至九年冬信孺題名見於桂林石刻者其結銜或書提點

刑獄或書轉運判官確在廣南西路吳獵撰方崧卿  
祠堂記言公仲子信孺從宦於桂後二十年復來官  
提刑兼判漕是也宋史本傳信孺字孚若興化軍人  
以父崧卿蔭補番禺縣尉近臣薦可使金自蕭山丞  
召赴都命以使事三往返以口舌折彊敵後觸韓侂  
胄怒奪三秩臨江軍居住侂胄誅召自便尋知韶州  
累遷淮東轉運判官兼提刑知眞州山東初內附信  
孺言宜選重臣將精兵開幕山東以主制客坐責降  
三秩稍復官歸營居室巖竇自放於詩酒獨不及官  
廣南西路時事史家脫略當以石墨補之

金石續編

方信孺詩

高三尺八寸廣二尺二寸十一行行  
廿二字字徑寸五分正書間雜行筆

龍隱巖詩

莆田方

信孺孚若父

春波飽漱涿斗柄函空明方舟貫巖腹鵝鸛相酬鳴仰  
窺穹窿頂宛轉百怪呈僅餘鱗甲碎不見頭角猛下闢  
清泠淵演迤萬頃澄但同魚鳥夢勿遣蛟龍驚挾苔撫  
竒篆倚棹看題名三將標殊勛自與山不傾誰歟贅小  
築政恐山靄嶼南洞更幽絕僊佛依崢嶸太虛可爲室  
豈復資欒楹乳泉助茗椀中有冰雪清何須驂鸞去此  
卽白玉京鼎來不速客抱琴忽逢迎愛此無絃曲崖溜

同一聲爲君洗塵耳喚我詩魂醒祗愁白衣至好句亡  
繇成

嘉定七年四月朔刻

方信孺三詩

高一尺三寸廣二尺四寸十五行行十一  
一二三字不等字徑一寸二三分草書

曾榜武夷九曲何如桂嶺七星水石小容螭舫煙雲常  
帶龍腥

爰山那惜走千回生怕前驅後騎催石上參差鱗甲動  
眼中在處畫圖開驟鸞未辦乘風去浮鷁何妨載雨來  
人事百年俱變滅祗應題字不塵埃

雨腳初收魚尾霞滿溪流水平溪花尋源曾識武陵洞

泛宅如浮□水家但得嵌空元有路何妨峭絕不容車  
道人辛苦經年客成塔從來是聚沙 右二首和人

韻

右三詩皆爲龍隱作也因併書刻之洞中嘉定丙子  
秋方孚若

右詩刻在詩境下續編載此有誤往歲未得拓本  
今始校正而錄之續編水家上作雪審之不似姑  
從其闕

葉任道等題名

高一尺一寸五分廣一尺三寸六行  
行六字第四行八字字徑一寸五分

正書

葉任道潛仲陳次賈劉潛夫曹晉伯嘉定壬午夏五廿

一日同游龍隱諸洞至棲霞薄暮衝雨而歸

李與等題記

高三尺五寸廣二尺七寸五分六行  
行十字字徑五寸許正書間雜行筆

八桂巖洞爲天下奇觀同谷李與九華章時發臺榭餘  
閑躍馬汎舟仰堯山之高挹諸巖之勝時和歲豐與堯  
民共擊壤云咸淳甲戌上巳後十日

按度宗咸淳十年歲在甲戌是年帝昀嗣位元師大  
舉入寇郢州鄂州黃州江州皆叛降元與等尙託之  
臺榭餘閑欲共堯民擊壤眞積薪厝火而安寢之矣  
又其年四月臨桂西山題名稱憲倉九華章時發帥

守同谷李與

金石續編

谿園題字

高一尺九寸三分廣七寸五分  
一行四字字長徑四寸許篆書

谿園居士

粵西金石略未載癸酉三月楊海琴游龍隱巖搜  
拓寄貽謂與浯溪谿園二字筆法相同疑爲元次  
山所刻余按廣西通志云水月洞谿園居士書谿  
園者宋靜江倅吳億之別號當卽其人矣附宋人  
題名之後

八瓊室金石補正卷九十八終

八瓊室金石補正卷九十九

太倉陸增祥撰

男 繼輝校錄

吳興劉承幹覆校

宋 十八

太常博士周堯卿墓碑

高五尺六寸廣二尺九寸十八行  
行四十字字徑寸許正書在永明

宋故進士累官至太常博士歷連衡二州司理叅軍桂  
州司錄知高安□化二縣事通判饒州贈金紫光祿大  
夫周公諱堯卿府君神道并墓誌文

嘉祐三年翰林院侍讀學士知制誥史館脩撰歐陽

修□譔書 屯田員外郎弟燮立

有篤行君子曰 周君者孝於其親友於其兄弟居父母喪與兄萬弟燮居於倚廬不飲酒食肉者三年其言必戚其哭必哀除哀而癯然不能勝人事者蓋久而後復自孔子居魯而魯人不能行三年之喪其子弟疑以爲問則非魯而他國可知也孔子沒而後世又可知也今□之人知事其親者多矣或居喪而不能哀者有矣生歆事死能哀或不知喪禮者有矣或知禮而以謂喪主於哀不必合於禮者有矣 周君者事生盡孝居喪盡哀而以禮者也禮之失久矣喪禮尤廢也余居喪惟

仕宦婚嫁聽樂不違此法令之所禁若其衰麻之數哭泣之節居處知別飲食知變皆莫知夫有禮也在上位者不以身率其下在下者無所望於其上殆廢矣乎故吾於 周君有所取也 君諱堯卿字子俞道州永明人也天聖二年舉進士累官至太常博士厯連衡二州司理叅軍桂州司錄知高安甯化二縣通判饒州未行於慶厯六年六月朔日卒於朝集之舍享年五十有三皇祐五十□年勅塋於道州永明紫微岡曾祖諱知旺祖諱德崇父諱仁遂贈都官郎中母唐氏贈仙遊仁壽縣君妻黃氏封金□縣君學長於毛鄭詩左氏春秋家

貧不事生產喜聚書史官錄雖薄常分俸以贖宗族□  
友有慢已者必厚爲禮以餽之其爲吏所居皆有能政  
有文集二十卷 君有子七人曰諭鼎州司理叅理軍  
司曰詵潮州歸安主簿曰謚曰□曰說曰諲曰誼皆未  
仕有女一人出適嗚呼孝非一家之行也所以移於事  
君而忠仁於宗族而睦交於朋友而厚施於爲政而篤  
始於一鄉推之四海表之金石□之後世而勸考君之  
所以見於是無不可以書也豈獨俾子孫之不隕也哉

歐陽修撰皇祐五年在永明紫微岡

道州新志

案居士集墓碑作墓表道州新志題銜誤作金紫光祿大夫今改正堯卿永明人見宋史儒林傳卒於慶厯五年据墓碑卒於是年六月至皇祐五年始葬耳

湖南通志

古墓碑亦有全書生平所歷官者然碑題稱名諱則宋人所罕見又文內稱君而題稱公且得贈不在撰碑之日而追題於上其爲子孫重刻無疑其曰神道碑并墓誌文或當日本有兩碑後失其一耳案縣志子俞子諲官翰林誼官待制孫紳直祕閣官階恐尙多佚載金紫光祿以何人推贈事無可考攷宋史金

紫光祿乃正三品階封贈二代者得贈金紫光祿必  
官尙書始得此贈則或周紳官也

金石  
審

案周子俞墓在桃州所城外五里許紫微岡墓碑被  
雷擊中斷十五行各裂損一字其文後餘石五六寸

亦擊碎不知更有字否

永州  
府志

湖南省府志載此碑而未錄其文茲据打本錄之  
宗氏謂其子孫重刻按文內皇祐五年祐作佑五  
下又多二字鼎州司理叅軍作鼎州司理參理軍  
司皆重刻之誤

唐宋加號文宣王詔贊碑

高四尺六寸廣二尺九寸廿六行行五十四至六十一字不等字徑五分餘正書篆額橫列題唐宋加號文宣王詔贊九字在中江

唐明皇帝加號先聖文宣王詔

邑人楊遵甫書

在標題下

門下洪我王化在乎儒術孰能發揮此道啓迪含靈則生人已來未有如夫子者也所謂固天攸縱將聖多能德配乾坤身揭日月故能立天下之大本成天下之大經美政教移風俗君君臣臣父父子子人至于今受其賜不其猗歟嗚呼楚王莫封魯王不用俾夫

大聖纔列陪臣棲遲旅人固可知矣年祀浸遠先靈益

彰雖大有褒稱而未爲崇峻不副於實人其謂何朕以薄德祇膺天命思闡文明廣被華夏時則異於今古情每重於師資旣行其教合旌厥德爰申盛禮載表徽猷夫子旣稱先聖可追謚爲文宣王宜令三公

持節冊命應緣冊及祭禮所司速擇日并撰儀注進其

文宣王陵并舊宅之廟量加灑掃用展誠敬後嗣

可爲文宣公至如辨方正位著自禮經苟非得所何以

示則昔緣周公南面夫子西面今位旣有殊坐豈

仍舊宜補其墜典永作成式自今已後兩京國子監

夫子南面而坐十哲等東西列侍天下諸州亦宜准

此且門人三千見稱十哲包夫衆美實越等夷暢至聖  
之風規發人倫之耳目並宜褒贈以寵賢明顏子淵既  
云亞聖湏優其秩可贈充公閔子騫可贈費侯冉伯牛  
可贈鄆侯冉仲弓可贈薛侯冉子有可贈徐侯仲子路  
可贈衛侯宰子我可贈齊侯端木子貢可贈黎侯言子  
游可贈吳侯卜子夏可贈魏侯又 夫子格言參也

稱魯雖居七十之數不載四科之目頃雖未參於十哲  
終式宜殊於等倫允稽先旨俾循舊位可贈成侯庶乎  
禮得其序人焉式瞻宗洙泗之不烈重 膠庠之雅 範布

告中外咸使聞知主者施行開元二十七年八月二十

四日

先聖文宣王贊

猗歟夫子

寔有聖德

其道可尊

其儀不

貳

□□□□

百王取則

吾豈匏瓜

東西南北

顏回贊

杏檀槐市

儒術

三千

回也亞聖

邱也稱

賢

四科之首

百行之先

秀而不實

得無慟焉

曾參贊

百行之口

三寸以教

聖人敘經

曾氏知

孝

全爲子口

動稱容兒

事親事君

是則是効

皇宋加號至聖文宣王詔

王者順考古道懋建大猷崇四術以化民昭宣教本總  
百王而致理丕變人<sub>文</sub>方啓迪於素風思肇揚於鴻烈

先聖文宣王道膺上聖體自生知以天縱之多能

實人倫之先

<sub>覺</sub>

元功侔於簡易景鑠配乎貞明惟列辟

以尊崇

<sub>爲</sub>

億載之師表肆朕寡昧欽承命庥曷嘗不遵

守彝訓保乂中區屬以

<sub>祇</sub>

若元符告成喬嶽

<sub>觀</sub>

風廣魯

之地飾駕數仞之墻躬謁遺祠懷遐躅仰明靈之如

在肅奠獻以惟寅是用徵簡策之文昭聰叡之德聿舉

追崇之禮庶伸嚴奉之心備物典章垂之不朽誕告名

士昭示朕懷宜追謚曰 至聖文宣王祝文特進署

仍令所司擇日備禮冊命并修飾祠廟祭器其廟內制

度或未合典禮並令改正給近便五戶以奉塋域仍差

官以大牢致祭故茲詔示想宜知悉大中祥符元年十

一月 日

至聖文宣王贊 并序

若夫 撿玉介邱迴輿闕里緬懷於 先聖躬謁於嚴祠

以爲易俗化民旣仰師於彝訓宜益峻於徽章增薦崇  
名聿陳明祀思刑容於盛德爰刻鏤於斯文贊曰

立言不朽 垂教無疆 昭然令德 偉哉素王 人

倫之表 帝道之綱 厥功實茂 其用允臧 升中

旣畢 盛典載揚 洪名有赫 懿範彌彰

缺 中丞知遂州蓬溪縣事騎都尉王 荀龍 篆

將仕郎守中江縣尉王 奉先

缺 知中江縣事兼兵馬監押張 寅 將仕

郎守中江縣主簿竇 淵

至和元年甲午歲十二月望日益州進士楊天成

立石

雙行在上  
銜名下方

懷安軍句可賢

刊

在標  
題下

宋詔贊曲阜有碑萃編載之惟至聖作元聖為不  
同耳碑石泐處据三巴舊古志補注於旁譌者正  
之闕者補之

火星巖題刻十段

在零陵

柳拱辰尹瞻聯句詩

高二尺八寸四分廣一尺一寸  
六分十二行行十五字字徑一

寸四五  
分正書

尙書職方貢外郎知永州柳拱辰同尙書比部貢外郎  
通判永州尹瞻暮春遊火星巖聯句詩

千里熙醑政靈巖喜訪尋

瞻

登亭雲擁座

拱辰

穿徑筍成

林瞻樂逐天風遠農塵隨宿霧沈瞻綺羅紅作隊冠蓋

綠交陰瞻下顧關河小寒知洞壑深農松枯存舊節花

老見初心農旌榮嵐光潤罇壘野氣侵瞻朋遊散雅契

吏隱共知音農愧翁歸拙難攀子厚吟瞻城樓傳晚

南陌騎駸駸農

至和三季丙申閏三月二十五日

右刻前人未見至和三年即嘉祐元年是年九月

改元嘉祐詩云愧翁歸拙難攀子厚翁歸尹瞻

自謂子厚謂柳拱辰也

尹瞻詩高一尺一寸廣一尺七寸五分銜名一行十四字詩八行行七字字徑一寸四分正書

尙書比部員外郎通判永州事尹瞻

郡古時和諍訟銷使君乘興忽相招  
畫舫載妓遊巖寺  
紅旆搖風過野橋就石開樽偃樹脚  
撥雲策杖上山腰  
鳴騶未許歸城去遠望寒林隔水□

右刻亦前人未見無年月卽系前詩之後所謂使  
君者當卽柳拱辰也詩有畫舫載妓語詩酒風流  
猶有香山眉山雅致當時未有是禁耳石近剝泐  
拓亦不精諦審三四頗竭目力而末一字尙未敢  
定焉

柳應辰題記

高三尺二寸廣一尺七寸九行行  
十六字字徑一寸六七分正書

昭昭兄至和中以職方貢外郎來守零陵宣布條

詔百廢咸治建州學問教化之本作土風記盡民俗之事乘暇數爲火星巖之遊磨崖題詠於此爲多竊觀暮春聯句尤極佳思研鍊精切傳布人口熙甯七年應辰亦以職方通理茲郡徧覽遺跡惻然追感噫相去二十二年矣悠悠歲時人不可見江山風物甯有異於當年每到躋躋久不忍去武陵柳應辰明明記

右正書九行在零陵城西南一里火星巖向來頗少

椎拓文內昭昭兄卽指柳拱辰也本蓋本字說文从

木一在其下此乃從十則當時俗書也

留雲龕金石審

記云建州學案通志云府學在府城西南舊在府城外唐刺史韋宙建後遷愚溪宋至和中郡守柳拱辰遷建城東高山之麓與此正合記又云作土風記通志永志藝文均不載是其書之不傳於世久矣然亦當存其目也可據補之記又云磨崖題詠於此爲多知昭昭尙有它刻且不止一二段當再託友搜剔之暮春聯句亦近時始顯可見古刻之留存天壤者尙多特無人繼求之耳

蔣僅題名

高一尺九寸七分廣一尺一寸  
二行行五字字徑三寸餘正書

蔣僅屢遊元豐乙丑題

萃編及通志均載澹巖一刻此在火星巖又一刻也通志云案零陵縣志作朝陽巖題名永州府志云三巖文並同省縣志特各舉其一耳乙丑爲元豐八年

程敏叔等題名

高一尺七寸五分廣三尺三寸五分七行行四字字徑三寸四分正書

程敏叔劉資明邢和叔元祐七年九月二十日自朝陽

洞過此試茶

右行楷書七行在火星巖字已蝕損案巖側昔有火

星觀故可品茶今則荒煙頽石游蹟罕到矣

留雲盦金石審

董居誼記并詩

高五尺二寸廣四尺四寸五分廿二行行廿八字記十六行低一格字徑

一寸三四  
分行書

余謫寓永州

常杜門不出適秋晚氣清約領衛鍾子

正偕館賓陳叔宜

邱積夫□興□□同訪宅仙洞洞

之下舊有群玉山漫莫省其處山中道士云僻在山

之陰崖蘚中猶有字刻可辨荒蔽爲甚人跡罕到余

亟與同來二三客隨其所之極其所止而休焉徘徊

四顧怪石林立峭拔透邃入眼成畫去東南十許步

有隙如扉疑通乎山之巔而叢篁蔓棘雜錯相拒不

可著足未免俯僂攀援而升山回路轉巖竇畢露爭

奇獻巧應接不暇出而舉手相賀凡一山高下妙處

皆了然在吾人胷次矣繼而約副將趙聲遠循前日之所經歷命斤誅穢隨勢取蹊以達于山之趾後月餘又得翻經臺故基以據于山之會盡取當時造化融結之功貫而爲一自是無入而不自得或謂此山距郡城能幾豈無前輩題品而湮沒經歲若無聞焉何耶余曰天下事久則廢廢則興如環無端不容終詰者不獨此山也余今日幸而與之相遭苟弃之而弗顧則此去興廢又未可量宜立游亭以昌厥後爰囑聲遠爲董其事越旬日而成因賦五言詩於其上遂爲山中復此一段奇觀然人之好惡不同物之隱

見有數更數十年後又安能保興廢何如哉煙霞痼疾不能自已度不滿識者一笑臨川董居誼仁甫

騶

寓零陵過一年每憐兩脚負山川忽從榛莽窺神祕似與仙家有宿緣石刻嘉名歲月多苔封蘚蠹欲消磨天成有景無人問不著新亭柰爾何浮世囂塵不可干漫山琮璧照人寒客來莫認爲頑石具眼還須作玉看頃年曾入道山來天上圖書不受埃今日有懷群玉府又從人世得蓬萊經臺石磴鬱深幽曲折中藏自一邱鑿破藩籬都是路從今任是永人遊

嘉定十三年冬十月甲子

右刻行書二十四行首二行全蝕記文上截爲雨溜  
所侵削字多隱約後半尙明顯可讀也縣志僅載一  
詩今得五首因并錄之

留雲龕  
金石審

通志失載永志僅錄其詩題云羣玉山詩記而石  
刻實在火星巖雲洞也蘚蠹永志誤作蘚剝又通  
志載此記於山川作宅仙洞記永志載此記於名  
勝以爲羣玉亭記其與石刻異者備述於後余謫  
寓永州之前有零陵縣西二里爲羣玉山巨竹蕭  
森古木蟠曲怪石萬狀地勢清勝一郡之奇觀也  
卅二字而石刻無之常杜門通志誤作嘗邱積夫

下石刻尙有四字惟興字可辨而志均無之山之陰崖下通志多一苔字此字雖已殘泐諦審之崖字及下蘚字均不誤也隨其所之隨永志誤作從十許步永志作十步許疑通乎山之巔疑永志作窾相拒永志誤作距山回路轉通志誤作山路四轉巖竇永志缺巖字皆了然通志無皆字以達于山之趾句志均無之翻經臺下通志多一之字以據于山之會句及下不自得之自字志亦均無之能幾志均作甚邇題品均作品題何耶均作何也不容均作不可相遭均作相遇弗顧均作不顧此

去均誤作去此越旬日上均無爰囑聲遠爲董其事八字越永志作閱五□二字通志無永志作一小字五下似是愁字然未敢定也遂爲山中句通志無永志少遂字更數十年之後志均無之字又安能保興廢何如哉通志保下多其字永志能作得何誤刻作徑痼通志作錮滿永志作免又凡余字通志皆作予

鍾子正和詩

高二尺六寸廣二尺一寸五分十五行  
行二十十字序七行低一格亦二十十字

徑寸  
行書

山有奇觀地之靈也然非經大賢題品則亦不顯永

之群

玉山昔固嘗有鐫字以紀名者後復湮廢今歲

□□□□□□□

實

陪侍郎先生披荒訪古山神拱聳

爲

獻奇恠遂建亭臺以□壓之爲詩章以黼黻之吾

知山之勝蹟自此足以播佳名於不朽與浯溪淡岳  
相爲伯仲雖欲晦之而不可得□敬借嚴韻爲

先生賀云

門生鍾□惶恐百拜上

坤維借重屢經年咳唾珠璣散四川底事杖藜瀟水上  
只因泉石要攀援 石涵溫潤秀峯多元費天工巧

琢磨荆棘滿山煙雨暝時人不復記云何

山靈有

意巧相干遊賞前盟恐久寒多謝經營臺與館不將玉

石混淆看

主人領客渡江來車馬駢填漲霧埃祇

恐考槃成趣後得賢將復詠臺萊

□□□□□遍尋

幽作記拳拳賀小邱若使蚤知群玉

□□□□□紀清

遊

右鍾子正和董仁甫詩與前刻同時上石前刻有  
約領衛鍾子正語此刻鍾下字已漫滅蓋卽子正  
之名悟溪有鍾興嗣詩是年孟秋所作或卽其人  
歟至所稱侍郎先生者卽董居誼也居誼嘗爲四  
川制置使故詩內有咳唾珠璣散四川之句第五  
首指柳柳州而言此刻前人未見

董鴻道題記

高二尺七寸廣二尺三寸五分十七行行廿四字字徑八九分行書

嘉定庚辰冬十一月日南至鴻道自臨川來省 親零

陵一見語鴻道曰予近從榛莽中得群玉一山之勝結

亭其中將與汝落成之越二日侍 嚴君由朝陽巖過

宅僊洞至其地徘徊亭上怪石環列私自臆度此邦勝

處恐似是亦多猶未以爲異也繼而由鳳石登前山之

巔凭高眺遠江山城市了然在目而心始異之後復由

石門上翻經臺屹然一石與臺相對擬名之以香爐峯

臺之下疊石如芝又擬名之以芝巖 嚴君皆然之飯

已聽琴道庵抵暮方還越三日領衛鍾公又約遊淡巖

耳

山首尾□有宿緣乎因留

數語

刻之崖石以紀歲月而

落成而鴻道適至迨翠巖經理而

鴻道將歸

豈非於此

之意能令人嫠戀而不忍去未有若此山者也方群玉

巖前輩以殊勝名者足跡幾遍而委蛇曲折中有不盡

而鴻道拏舟東歸因思此行留僅兼旬如愚溪三亭諸

兩石蹲立中可容小亭

嚴君欲榜以翠巖方此經理

大異矣。是日於萬竹蔭中，又得一峰如列屏嶂。左右有

日再來訪是山點檢疇昔所見觸眼愈竒此心至是始

巖中明敞固可喜然斷石橫道其景可一目而盡又一

行書十七行案寔字訪碑錄有董鴻道浯溪詩已載  
入此刻但見其名鴻道而年月皆合然浯溪並未見  
有董鴻道詩豈即此刻之誤耶

古泉山館  
金石文編

右石在羣玉山前近青蓮臺行書十七行字法如率  
更鴻道不著姓案當時臨川董居誼闢羣玉山鴻道  
其子也

留雲盦  
金石審

右刻亦在雲洞得群玉一山之勝群通志誤刊作  
郡亭上之亭永志誤作口亦多之亦誤作甚嫵戀  
通志誤作迷惑永志誤作係戀方群玉落成永志  
脫方字迨翠巖經理志均只有翠巖二字此下通

志缺六字并缺首字永志缺十一字有宿緣乎之  
上永志作之字審之似是亦字宿永志誤作獨此  
下永志全缺通志缺數語之崖石五字又誤而爲  
云下亦全缺鴻將歸數語五字雖已損泐形模具  
在爰補錄之日下似尙有五六字而無一可辨矣  
文云留僅兼旬則此刻在十二月

馬德元等題名

高一尺二寸五分廣一尺四寸五分  
分六行行六字字徑二寸許正書

錦城馬德元伯忱清湘寶全器宗叟古洪趙時演德綸

廬陵王國望介圭咸瀄丙寅仲春同游

右正書六行案寶字下從賈蓋本說文寶字而誤以

次子廣平郡王德隆八世孫

留雲龕  
金石審

丙寅爲咸淳二年

佚名題記

高一尺六寸廣一尺二寸九  
行行十五字字徑寸許正書

下躬其宇則荒涼望其林則翳履其涂則崎

嘸  
 □  
 □  
 □  
 □  
 有  
 □  
 人  
 □  
 □  
 □  
 而  
 結  
 廬  
 □  
 □  
 洒  
 掃  
 以  
 奉  
 香

火至於創建殿閣煥然一新  
種植林木鬱然而茂

前達渡□昔之道路險

附

平

三孫侍行

右刻前人未見在火星巖前後多漫滅年月姓名  
俱已無見文有奉香火創建殿閣語當是記火星  
觀事宋人手筆也盧臧詩序有往時黃冠師宅其  
側塑火星像爲人祈福今宇壞基存緇徒構宇而  
居云云卽火星觀也觀之興廢莫由攷其歲月附  
宋末

右火星巖題刻十段鄙人譚仲維

振綱

拓以見貽

仲維喜蒐石刻能自縊幽涉險故多前人未見之

品據永志所載巖尙有丙寅秋社寶宗叟題名淵  
沖子題記兩刻則猶未得也一統志火星巖在縣  
西南方輿勝覽岩在州西江外地勝景清爲零陵  
最奇絕處零陵縣志巖在羣玉山側明嘉靖中改  
名德星巖明統志云石壁所鑱先賢題識高下鱗  
次窮日之力乃能盡閱俱見通志永志引盧臧詩序云  
古有黃冠奉火星象後改僧廬此巖名所由昉也  
田山玉曰以巖形象星故名則未足爲據矣通志  
引一統志云羣玉山有洞曰宅仙永志云羣玉山  
南有宅仙洞又西爲火星巖洞久荒塞明統志宋

郡守彭合新學舍得異石如鳳作亭覆之記所謂  
鳳石者卽此三亭在縣東山之麓一曰讀書林亭  
二曰湘秀亭三曰俯清亭唐縣令薛存義建柳子  
厚有記見名勝志翻經臺不詳其興廢居誼時已  
云故基則由來久矣柳拱辰武陵人皇祐六年知  
永州尹瞻至和二年判永柳應辰拱辰之弟熙寧  
七年判永永志謂十年任者誤蔣僅亦永州通判  
元豐七年任程敏叔名博文鄱陽人見朝陽巖石  
鼓山題名被刻有行部湘東之語瞿氏謂官荆南  
提刑轉運者劉資明名蒙臨川人時守零陵永志

謂紹聖元年任者誤邢和叔名恕原武人時監鹽酒稅以上七人題名鐫詩諸巖多有惟邢恕史有傳萃編已述之矣董居誼嘉定九年制置四川蘭州盜程彥暉求內附秦州唐進與其徒何進等引衆十萬來歸居誼俱卻之十年詔居誼便宜行事十二年春召還七月竄永州此正其謫居時也陳塏字子爽史有傳云嘉興人嘗知潭州兼湖南安撫使提舉太平興國宮奉祠卒諡清毅著有可齋畝藁二十卷采石磯有其題詩亦無年月則提領江淮茶鹽兼知太平時所作錢先生謂在淳祐間

以傳證之知太平州後又改廣州權吏兵戶三部  
尙書然後乃至湖南是此刻尙在其後味其詩意  
亦非安撫時語氣殆奉祠居永之時晚年手筆約  
在寶祐景定之間也趙時演王國望亦見羣玉山  
題名餘無攷

封濟民侯牒

高五尺八寸廣二尺七寸六分奏十一行行四十九  
字牒共十行行三十九字首行八字與牒字大小同  
年月立石一行共廿六字正  
書隸額失拓在鄱縣清湫鎮

中書門下

牒鳳翔府

工部郎中直龍圖閣知鳳翔府李昭遘奏臣聞祭法

曰山林川谷能出雲雨見怪物皆曰神有天下者祭百神諸侯在其地則祭之亾其地則不祭又漢郊祀志湫淵陳祠天下山川隈曲往往有之臣本府管縣有九郿縣卽其一也縣有太白山山在縣南四十里謹按圖經所載辛氏三秦記云太白山在武功縣南去長安三百里不知高幾許俗云武功太白去天三百山下軍行不鳴鼓角鳴則疾風暴雨立至周地圖記云太白山上常積雪無草木半山有橫雲如瀑布則澍雨常以爲候故語曰南山瀑布非朝卽暮乃知茲山候雨自古而然神靈尸之宜有禱應也山有祠

廟不知建置之始唐世祀之正元中詔京兆尹韓臯  
重修據柳宗元集中有碑具載靈應今錄柳碑于前  
後唐清泰中復加繕葺國朝祥符三季專遣使修完  
春秋邑令致祭列在祀典山巔有湫每遇歲旱府累  
及他境必取水禱雨無不即驗朝廷近季累遣內臣  
投奠龍簡臣自到任已來詢訪前後之異其事既出  
傳聞不敢寫錄今止具今季春夏已來兩次得雨親  
驗事實所陳二事非臣獨視道路之人不可誣也伏  
見朝廷恤民之意甚厚崇祀之志甚恭前件太白山  
本前世欽奉之地靈貺昭晰今古所信靈湫在上顯

應如此其太白湫水欲望聖慈特加封爵臣兼聞慶  
厯七季五月河南府王屋縣析城山聖水泉特封爲  
淵德侯其例未遠可舉而行或蒙報可寔慰群願伏  
候

勅旨

牒奉

勅禮云五嶽視三公四瀆視諸侯非有豐功曷膺上爵  
太白山湫名山之下神龍所潛每遇旱暘必伸禱請能  
爲霖雨以澤民田守臣有言蒙福甚遠宜降十行之詔  
用疏五等之封以答神休以從人欲宜特封濟民侯仍

令本府老官祭告牒至准

勅故牒

至和二季七月十三日牒

給事中叅知政事程

戶部侍郎平章事富

兵部侍郎平章事劉

吏部尙書平章事文

嘉祐二季三月一日將仕郎守鳳翔府郿縣令賈蕃

立石

行首嘉字與  
前行部字齊

張遵鑄字

按此封太白湫神爲濟民侯昭邁舉慶厯七年聖水

泉封潤德侯爲例然真宗時已封通泉廟爲靈派侯  
昭邁祇就仁宗時言之爾皇祐元年五月遣官祈雨  
三年三月分遣朝臣詣天下名山大川祠廟祈雨至  
和二年四月遣官禱雨故云朝廷近年累遣內臣投  
寘龍簡碑列給事中叅知政事程者程戡也戶部侍  
郎平章事富者富弼也兵部侍郎平章事劉者劉沆  
也吏部尙書平章事文者文彥博也是年六月陳執  
中罷彥博再相弼亦同入此爲七月十三日牒正與  
史合通典天寶八載封太白山爲神應公故嘉祐六  
年簽書鳳翔府判官蘇軾禱神得雨軾代守臣宗選

請於朝有云昔公而今侯是爲自我而左降乃敕封  
明應公熙甯八年封福應王正元中卽貞元也禎爲  
上名故兼避貞此牒嘉慶中吾友劉雨田用霖宰郿

拓贈

金石  
續編

李昭遘昉之從孫史附昉傳深州饒陽人字逢吉  
碑列銜與史合表稱周地圖記者隋書經籍志云  
周地圖記一百九卷新唐書藝文志云周地圖一  
百三十卷雜記十二卷皆不著撰人姓氏蓋失名  
也表又稱正元中詔京兆尹韓臯重修據柳宗元  
集中有碑具載靈應今錄柳碑于前當時碑已無

存故據集錄之歐趙兩家所由不載也然碑雖已佚文尙具全今柳文惠集祇載序言及碑陰而碑之正文不得而見矣碑陰列邑令裴均之政裴均承韓臯之命督修祠宇乃因其設廟立神而敘述治行之美同一邑令也碑之不存誰復知裴均之修廟碑之幸存猶可知立石之賈蕃可勿護惜哉正元中者貞元十二年也仁宗名从示从眞兼避貞禎植徵等字時亦避正字王珪上書謂正月爲端月宮中呼正月爲初月然唐貞觀作正觀吳乾貞作乾正玉海內貞元皆作正元是貞改爲正之

確證續編載此碑故語曰曰作云今錄柳碑于前  
于作於臣到任已來已作以或蒙報可脫可字非  
有豐功豐作豐校勘疏略錄之以誌吾過馳書更  
正或可補救昔非也

刻彥脩草書題記

五列列高一尺二寸許詩卅四行行字不一  
書跋七行行入字字徑寸許正書在西安府學  
深閨乍冷開香篋玉筍微微濕紅頰一陣霜  
風殺柳條

濃烟半夜成黃葉重々白練明如雪獨下閑階轉淒切  
祇知挹杵揅秋砧不覺高樓已無月時聞塞鴈聲相喚  
紗此字添注窗只有燈相伴幾展齊紈又懶裁離腸恐逐金

刀斷細想儀形執牙尺回刀剪破澄江色愁捻銀針信  
手縫惆悵無人試寬窄時、舉袖勻殘淚紅牋謾有千  
行字書中不盡心此字改寫於旁中事一半殷勤託邊使  
殘秋入洛謁

明君身事年來愧□□若說此生勤苦甚□闌□□是  
何人此迴重入洛陽城又□皇恩賜一名仍此字改寫於旁向

藥□字似師亭院住如斯誰與得成情以上

艸書

軋化中僧彥脩善草書筆力迺勁得張旭法惜哉名不  
振于時遂命摸刻以貽同好嘉祐戊戌歲冬十月九日  
司農少卿知解梁郡李不緒題

首十七字未見据全唐詩補注於旁潛研堂目云  
乾化四年是首三行前尙有年月疑失拓一列也  
而雍州金石記云碑二面每面作三層又謂肚痛  
帖在此刻下方則碑無餘地尙容一列矣明如雪  
全唐詩作如霜雪李丕緒史附其父士衡傳雍州  
金石記誤作邳緒又誤貽爲招

義帝新碑

高七尺八寸廣三尺五寸廿一行行四十一字  
字徑一寸正書篆額題義帝新碑四字在郴州

義帝新碑

蜀客張俞撰

將仕郎守郴縣令陳叔獻書

文林郎權知軍事推官劉良肱篆額

戡亂之謂武除暴之謂仁知人之謂智復讎之謂孝脩  
四者以成大功則千三百年惟義帝有焉昔秦□□尤  
暴殄諸侯誑楚誘懷王□爲秦鬼遂并其國孥戮其民

故楚人怨秦痛入骨髓故曰楚雖三戶亡□□及凶  
亥熾虐四海沸騰羣雄號呼六國踴躍二大乃覆秦□楚  
力拯羣生於是陳勝得以假號項梁□□□故義帝  
起而制之天地震雲雷興龍蛇起虎豹騰復六國蕩三  
秦遂使殺亥望夷誅嬰軹道昔曰秦□□□今日楚能

滅秦天地否而泰日月晦而明亦若順乎天而應乎人  
也及項氏暴強怨不已用天<sub>下</sub>之□□□死生乃尊義  
帝徙郴遂沒不返哀哉夫天命在已則劉項爲臣僕天  
命旣去則黥徒爲寇讎神龍□□□入檻漁童獵婦  
盡爲孟賁悲夫是以聖人慎名器之假人戒威權之在  
下畏強臣之立側懼姦宄<sub>之</sub>□□□能據勢以臨之執  
權以運之求賢以治之任智以謀之修文以勸之明刑  
以威之猶懼夫守而弗□□□亂況義帝起于擾攘  
豪桀始爭大運去來逐鹿未定勢不獨立權必授人哀  
哀楚心竟殞荒服□□□義數項爲詞雖非至誠

亦足感動天下矣夫其遣諸侯以誅暴亂可謂武矣出  
秦民於湯火之間可謂□□令沛公先入關以平秦可

謂智矣滅秦以復先王之讎可謂孝矣位雖不終功亦

偉烈雖少康誅拜□□□吳齊襄遷紀子旨鞭楚論德

比義我無愧焉嘉祐四年冬十一月適越至郴觀廟升

冢徘徊想象□不□□因感秦楚之事君臣彊弱之變

灑涕勒碑明其禍敗楚人來讀能無悲乎銘曰

天地否閉 聖賢吁嘻 龍驤虎變 必逢其時

匪賢不謀 匪時不爲 □□□□ 庖釣爲師

哀哀懷王 制命強臣 項稱西楚 劉王三秦

豺狼縱野



勝既死御 帝亦殞郴

故曰

大運去來

實天匪人

君乎權乎



得之爲神

失之爲鱗

亥願黔首

獻非虞賓

予登郴冢

悲放弑而霑巾

通直郎守國子博士通判軍州兼管內勸農同提點

銀場公事騎都尉賜緋魚袋彭

舉

正

朝奉郎守國子博士前知軍州兼管內勸農提點銀

場公事騎都尉賜緋魚袋借紫張

允

張廉

在碑右下角當是刊石人姓名

右義帝新碑在郴州同治甲戌郴人陳學博

善墀

按得之拓以見遺碑在元重修義帝廟碑之陰而  
標題云義帝新碑是碑陽固有文字已爲元人磨  
去矣王象之輿地碑目有義帝碑不詳何代于奕  
正天下金石志有漢義帝碑湖南通志据以列入  
豈碑陽是漢刻邪歐趙洪皆未載僅見於司直之  
書司直於漢碑無紀註於宋元碑並未載及闕疑  
可也案漢書地理志郴縣南有義陵祠水經注郴  
縣南有義帝冢內有石虎因呼爲白虎郡元和郡  
縣志義帝祠在縣南一里墓在縣西一里明統志  
義帝廟有州城西舊名義陵洞義帝冢在州治西

或云在州學後一統志楚義帝陵在州西南祠在  
州南元重修義帝廟記云陵在郡之西祠庭改創  
於宋之咸淳年間是廟之由來久矣湖南通志不  
言廟所自建固不可攷而咸淳改創可据元碑補  
之志載元碑不載宋碑職官志載張兌知郴州而  
不及通判彭舉正推官劉良肱縣令陳叔獻皆可  
据此補之

會善寺張景儉殘詩刻

高廣不計存十七行行  
字不等行書在登封

□□知一宿狔

觀

屋十餘間齋糧不□

深愧塵勞迹解怡臨

寺

□剎共毫莪依巖寶砌龍

林□樂堪隨喜鍾磬聲清唄

紫雲洞

雲洞黃冠旣前導絳襦亦後□

仍高不知雙鳥重攝衣叩洞□

□用賞景未盡興向夕遽旋踵

此行  
無字

潁陽山墅

名韁賴此營山墅頻年到潁□

此行  
無字

五年三月十六日游□

張景儉集賢按理

□南府登封縣

右石已殘缺後有張景儉名按嵩陽宮文彥博題  
名後有張景儉名五年上所缺當是嘉祐字

嵩陽宮文彥博題名

方一尺六寸五分題名二行行三字字徑三寸許年  
月二行行五字字徑二寸從遊人名一行九字字徑  
一寸二分許俱正  
書左行在登封

潞國公文彥博

嘉祐庚子三月十八日遊

張景儉

王起陸經從遊

潞公有宿少林寺詩在此後月餘

太原景昇題名

高一尺四寸廣五寸七分三行  
行字不一字徑一寸二分正書

嘉祐伍年五月十一日因往涇原等路太原景昇至此

記

右題名當在陝西而不見於關中金石記下方尙

有師聖二字疑是碑側

八瓊室金石補正卷九十九終